

Na osnovu člana 75. stav (4) i člana 78. Zakona o visokom obrazovanju („Službene novine Kantona Sarajevo“, broj: 42/13, prečišćeni tekst), člana 135. Statuta Univerziteta u Sarajevu, člana 23. Pravila studiranja za treći ciklus studija na Univerzitetu u Sarajevu broj: 0101-38-276/11 od 29. 12. 2010. godine, Odluke Senata Univerziteta u Sarajevu o saglasnosti na nastavni plan i program III (trećeg) ciklusa studija za oblast *kineziologija* na Fakultetu sporta i tjelesnog odgoja Univerziteta u Sarajevu broj:01-38-3159/13 od 06. 11. 2013. godine, Odluke Nastavno-naučnog vijeća broj: 01-1814/15 od 08. 06. 2015. godine za utvrđivanje prijedloga za raspisivanje javnog konkursa, Odluke Senata Univerziteta u Sarajevu o saglasnosti za raspisivanje javnog konkursa broj: 01-4664/15 od 15. 07. 2015 godine i Zaključka Vlade Kantona Sarajevo broj: 02-05-31707-21/13 od 17. 12. 2013. godine, Fakultet sporta i tjelesnog odgoja Univerziteta u Sarajevu objavljuje

**KONKURS ZA UPIS STUDENATA NA III (TREĆI) CIKLUS STUDIJA
(DOKTORSKI STUDIJ) NA FAKULTETU SPORTA I TJELESNOG ODGOJA
U AKADEMSKOJ 2015/2016. GODINI**

I

Treći ciklus studija (doktorski studij) traje tri studijske godine (šest semestara). Obim studijskog programa ovih studija vrednuje se sa 180 (ECTS) studijskih bodova, a njegovim završetkom stječe se akademski stepen *doktora nauka iz oblasti kineziologije*.

II

Pravo upisa na treći ciklus poslijediplomskog doktorskog studija imaju svi kandidati koji ispunjavaju uvjete regulirane Zakonom o visokom obrazovanju Kantona Sarajevo, Statutom Univerziteta u Sarajevu i Pravilima studiranja za treći ciklus studija Univerziteta u Sarajevu.

Pravo učešća na Konkursu imaju, pod jednakim uvjetima, državljani Bosne i Hercegovine i strani državljani za koje je nakon postupka nostrifikacije odnosno ekvivalencije diplome ranije završenog ciklusa/stepena studija utvrđeno da imaju završeno adekvatno obrazovanje za nastavak studija.

Na prvu godinu III (trećeg) ciklusa studija (doktorskog studija) mogu se upisati kandidati koji ispunjavaju sljedeće opće i posebne uvjete:

I opći uvjeti

1. kandidati koji su stekli zvanje magistra nauka u oblasti sporta i tjelesnog odgoja na dvogodišnjem predbolonjskom studiju;
2. kandidati koji su stekli zvanje magistra nauka na dvogodišnjem predbolonjskom studiju na fakultetima srodnih naučnih oblasti: pedagogija, primarno obrazovanje, sociologija, medicina, zdravstvo, ekonomija, psihologija, defektologija, sigurnost i kriminalistika;
3. kandidati koji su stekli diplomu drugog ciklusa studija (300 ECTS) i zvanje magistra na fakultetima srodnih naučnih oblasti: pedagogija, primarno

obrazovanje, sociologija, medicina, zdravstvo, ekonomija, psihologija, defektologija, sigurnost i kriminalistika;

4. kandidati koji su stekli diplomu drugog ciklusa studija, opći smjer (300 ECTS) na Fakultetu sporta i tjelesnog odgoja (ili na drugom fakultetu srodnog naziva) i zvanje magistra sporta i tjelesnog odgoja (ili drugo adekvatno zvanje);
5. kandidati koji su stekli diplomu drugog ciklusa studija, smjer „Menadžment u sportu“ (300 ECTS) na Fakultetu sporta i tjelesnog odgoja (ili drugom fakultetu srodnog naziva) i zvanje magistra menadžmenta u sportu (ili drugo adekvatno zvanje) uz obavezu da se u trećem semestru opredijele za modul istraživanja u organizaciji i upravljanju u kineziologiji;

II posebni uvjeti:

1. kandidatima za upis koji su stekli titulu magistra nauka prije uvođenja bolonjskog sistema trocikličnog studija priznaje se 60 ECTS studijskih bodova;
2. kandidati za upis moraju pokazati znanje iz engleskog jezika, što će utvrditi stručna komisija koju formira Fakultetsko vijeće na prijedlog Vijeća doktorskog studija;
3. kandidati koji su završili srodne fakultete navedene u Konkursu obavezni su polagati diferencijalni/e ispit/e.

III

Nastava na III (trećem) ciklusu studija (doktorskome studiju) će se organizirati ukoliko po Konkursu bude primljeno najmanje 5 (pet) kandidata.

IV

Visina participacije cijena usluga i školarine za III (treći) ciklus studija (doktorski studij) na Fakultetu sporta i tjelesnog odgoja iznosi sveukupno **15.000,00 KM (slovima: petnaest hiljada KM) odnosno 5.000,00 KM (slovima: pet hiljada KM) po godini studija**. Ista je utvrđena u skladu sa Odlukom Vlade Kantona Sarajevo broj: 02-5-19288/9/09 od 11. 06. 2009. godine o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu (dostupno na: <http://www.unsa.ba>, poglavlja Propisi, Cjenovnici) i Odlukom Upravnog odbora Fakulteta sporta i tjelesnog odgoja o izmjeni cijene troškova doktorskog studija broj: 01-3009/13 od 18. 07. 2013. godine.

Školarina se uplaćuje u 6 (šest) rata prilikom upisu svakog semestra u visini od 2.500 KM.

V

Uz prijavu na Konkurs za upis na III (treći) ciklus studija (doktorski studij), kandidati su obavezni dostaviti sljedeće dokumente:

1. zahtjev za upis,
2. biografiju,

3. originalnu diplomu i dodatak diplomi (za studente koji su završili studij prema bolonjskom sistemu studija), odnosno originalnu diplomu i uvjerenje o prosjeku ocjena (za studente koji su završili studij prema predbolonjskom sistemu studija) o završenom prethodnom obrazovanju u Bosni i Hercegovini.

Studenti Univerziteta u Sarajevu koji su završili drugi ciklus studija mogu do izdavanja diplome i dodatka diplomi predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijava za upis po ovom konkursu;

4. rješenje o nostrifikaciji diplome za kandidate koji su stekli prethodno obrazovanje izvan Bosne i Hercegovine (original ili ovjerena kopija);

5. izvod iz matične knjige rođenih i uvjerenje o državljanstvu, odnosno prva stranica pasoša za kandidate koji nisu državljani Bosne i Hercegovine (original ili ovjerena kopija);

6. druge relevantne dokumente kojima dokazuje ispunjavanje općih i posebnih uvjeta iz ovog konkursa.

Prijave sa potrebnom dokumentacijom sa naznakom „Konkurs za upis na III (treći) ciklus studija (doktorski studij) na Fakultetu sporta i tjelesnog odgoja u Sarajevu” dostavljaju se lično na protokol Fakulteta (svakim radnim danom od 10.00 do 16.00 sati) ili preporučenom poštom na adresu:

Univerzitet u Sarajevu

Fakultet sporta i tjelesnog odgoja u Sarajevu

Patriotske lige 41

71000 Sarajevo

Nepotpune i neblagovremene prijave neće se uzimati u razmatranje.

VI

Konkurs za upis na III (treći) ciklus studija (doktorski studij) ostaje otvoren petnaest dana od dana objavljivanja (prvi upisni rok).

U provođenju konkursnog postupka Fakultet sporta i tjelesnog odgoja u Sarajevu će, u slučaju da je u prvom upisnom roku broj kvalificiranih kandidata za upis manji od predviđenog broja slobodnih mjesta za upis, organizirati prijem prijava i izbor kandidata u drugom odnosno trećem upisnom roku.

VII

Preliminarnu rang-listu svih prijavljenih i primljenih kandidata Fakultet sporta i tjelesnog odgoja u Sarajevu će objaviti na oglasnoj ploči i web stranici, nakon što je verificira Vijeće Fakulteta najkasnije dva dana nakon isteka roka za podnošenje prijava na Konkurs.

Na objavljenu preliminarnu rang-listu kandidati imaju pravo prigovora u roku od tri dana od dana objave iste.

Na prigovor kandidata nadležno tijelo Fakulteta sporta i tjelesnog odgoja u Sarajevu obavezno je donijeti odluku u roku od tri dana i istu objaviti na oglasnoj ploči.

Konačni spisak upisanih studenata Fakultet sporta i tjelesnog odgoja u Sarajevu će objaviti na web stranici i oglasnoj ploči najkasnije dva dana nakon isteka roka za donošenje odluke po izjavljenim prigovorima.

Upis primljenih kandidata izvršit će se najkasnije sedam dana prije početka nastave.

Nastava na III (trećem) ciklusu studija (doktorskom studiju) na Fakultetu sporta i tjelesnog odgoja u Sarajevu će početi do kraja zimskog semestra u studijskoj 2015/2016. godini.

Sve dodatne informacije zainteresirani kandidati mogu dobiti u Studentskoj službi Fakulteta sporta i tjelesnog odgoja u Sarajevu i na broj telefona: +38733/211-537.